

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA AROBAINI NA SABA

14 JUNI, 2017



ORODHA YA SHUGHULI ZA LEO

MKUTANO WA SABA

KIKAO CHA AROBAINI NA SABA – TAREHE 14 JUNI, 2017

I. DUA:

II. MASWALI:

OFISI YA RAIS (TAMISEMI):

384. MHESHIMIWA SIKUDHANI YASSIN CHIKAMBO (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kamati za Fedha na Mipango za Halmashauri ni Kamati muhimu ndani ya Halmashauri kwa Wabunge wote kushiriki vikao vyake bila kujali ni Mbunge wa Jimbo au Viti Maalum kwa sababu Kamati hiyo inashughulikia masuala ya kifedha ikiwemo bajeti na mipango ya miradi ya maendeleo:-

- (a) Je, Serikali haioni kuwa kwa sasa upo umuhimu wa kushiriki Wabunge wa Viti Maalum kwenye Kamati hizo;
- (b) Kama jambo hilo linatokana na Sheria; Je, Serikali haioni sasa umefika wa kuleta Bungeni

mabadiliko ya Sheria kandamizi kama hii ambayo haina tija.

385. MHESHIMIWA SILVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kituo cha Afya cha Mkoani, Kibaha Mjini kina matatizo mengi ikiwemo ukosefu wa miundombinu ya kutolea huduma lakini kinahudumia Wakazi zaidi ya 150,000 wa Mji wa Kibaha:-

Je, Serikali imefikia wapi kuhusu mpango wa kukifanya kituo hicho kuwa Hospitali ya Wilaya ili kipate hadhi ya kutoa huduma ya kuridhisha.

386. MHESHIMIWA UPENDO FURAHA PENEZA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kumekuwa na uporwaji wa maeneo ya Umma kama vile maeneo ya Shule ya Kalangalala Geita Mjini na maeneo ya Serikali za mtaa:-

Je, ni lini Serikali itafanya uchunguzi na kurudisha maeneo hayo kwa Umma.

387. MHESHIMIWA DKT. GODWIN OLOYCE MOLLEL (SIHA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali mpya ya Wilaya ya Siha ina upungufu mkubwa wa majengo ya wodi ya kulaza wagonjwa, jengo la upasuaji na upungufu mkubwa wa vifaa tiba jambo ambalo linasababisha ifanye kazi chini ya kiwango na kukosa hadhi ya Hospitali ya Wilaya:-

Je, Serikali ina mpango gani wa kuboresha Hospitali hiyo na kuipatia vifaa tiba ili kuipa hadhi stahiki ya kuwa Hospitali ya Wilaya.

WIZARA YA FEDHA NA MIPANGO:

388. MHESHIMIWA MWANTUMU DAU HAJI (VITI MAALUM):

Atamuuliza Mheshimiwa Waziri wa Fedha na Mipango:-Tume ya Haki za Binadamu na Utawala Bora imekuwa ikitengewa fedha kidogo sana katika bajeti kwa zaidi ya miaka mitatu mfululizo hali inayosababisha Tume hiyo kushindwa kutekeleza majukumu yake ipasavyo:-

Je, Serikali ina mpango gani wa kuitengea bajeti ya kutosha Tume hiyo ili iweze kutekeleza majukumu yake kwa ufanisi.

WIZARA YA KILIMO, MIFUGO NA UVUVI:

389. MHESHIMIWA INNOCENT SEBBA BILAKWATE (KYERWA):

Atamuuliza Mheshimiwa Waziri wa Kilimo, Mifugo na Uvuvi:- Zao la Kahawa ni miongoni mwa mazao makuu ya biashara lakini bei yake imekuwa ni ya kukatisha tamaa na kusababisha wengine kuing'oa na kuikata kabisa kwa sababu nchini mwetu bei ni ndogo sana ikilinganishwa na majirani zetu wa Uganda; Wakati wa kampeni Mhe. Rais aliahidi kuondoa Tozo zote pamoja na Kodi zinazomdidimiza Mkulima wa Kahawa:-

- (a) Je, Serikali imefikia wapi katika kuondoa Ushuru na Kodi zinazomfanya Mkulima asione faida ya kuendelea na zao hilo;
- (b) Kama Serikali haiko tayari kuondoa Tozo na Kodi; Je, iko tayari kuwaruhusu Wakulima wauze Kahawa pale wanapopata bei nzuri.

390. MHESHIMIWA JOSEPH KIZITO MHAGAMA (MADABA):

Atamuuliza Mheshimiwa Waziri wa Kilimo, Mifugo na Uvuvi:- Ruvuma ni miongoni mwa Mikoa michache nchini inayotegemewa kwa kuzalisha chakula kwa mahitaji ya nchi nzima. Lakini hivi

karibuni kumekuwa na wimbi kubwa la Mifugo kuhamishiwa katika Mkoa huo:-

(a) Je, Serikali imeweka utaratibu gani wa kuhakikisha kuwa Mkoa huo haupotezi sifa ya uzalishaji bora wa mazao ya chakula;

(b) Je, Serikali imejipangaje kuhakikisha kuwa migogoro ya Wakulima na Wafugaji haijitokezi kufuatia wimbi kubwa la Mifugo kuingia katika Mkoa huo.

391. MHESHIMIWA GEORGE MALIMA LUBELEJE (MPWAPWA):

Mheshimiwa Waziri wa Kilimo, Mifugo na Uvuvi: Mheshimiwa Rais Dkt. John Pombe Magufuli wakati akiwa Waziri wa Maendeleo ya Mifugo na Uvuvi katika Serikali ya Awamu ya Nne alikataza Taasisi ya Uchunguzi wa Magonjwa ya Mifugo ya Mpwapwa (*Veterinary Investigation Centre*) isihamishiwe Dodoma Mjini ili Wanafunzi wa Chuo cha Mifugo cha Mpwapwa waendeleo kupata Mafunzo kwa Vitendo katika Taasisi hiyo. Lakini Taasisi hiyo tayari inahamishiwa Dodoma Mjini:-

Je, ni sababu gani za msingi zimefanya Taasisi hiyo ihamishiwe Dodoma Mjini.

WIZARA YA ARDHI, NYUMBA NA MAENDELEO YA MAKAZI:

392. MHESHIMIWA SALMA MOHAMED MWASSA (VITI MAALUM):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Idadi ya Wanawake wanaomiliki ardhi ni ndogo sana ikilinganishwa na Wanaume:-

Je, Serikali ina mkakati gani wa kuwawezesha Wanawake wengi zaidi kumiliki ardhi.

WIZARA YA NISHATI NA MADINI:

393. MHESHIMIWA DAIMU IDDI MPAKATE (TUNDURU KUSINI):

Atamuuliza Mheshimiwa Waziri wa Nishati na Madini:-Wilaya ya Tunduru ni mojawapo ya Wilaya zenye utajiri wa madini ya vito na Leseni za kununulia madini zipatazo 21 zimetolewa na Serikali kwa ajili ya kununua madini hayo:-

Je, ni kwa nini Serikali haioni haja ya kuweka Ofisi ya TMAA ili kufanya tathmini ya thamani ya madini yanayonunuliwa na Wanunuzi hao badala ya kufanyia Dar es Salaam.

III. MUSWADA WA SHERIA YA SERIKALI:

(Kusomwa Mara ya Kwanza)

Muswada wa Sheria ya Fedha wa Mwaka 2017 *(The Finance Bill, 2017)*.

IV. AZIMIO LA BUNGE:

Azimio la Bunge la Kumpongeza Mheshimiwa Dkt. John Pombe Joseph Magufuli, Rais wa Jamhuri ya Muungano wa Tanzania, kwa hatua anazochukua Kukabiliana na Upotevu wa Mapato ya Serikali katika Sekta ya Madini Nchini.

V. HOJA ZA SERIKALI:

WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2016 na Mpango wa Maendeleo wa Taifa kwa Mwaka wa Fedha 2017/2018.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2017/2018.

(Majadiliano yanaendelea)

DODOMA
14 JUNI, 2017

DKT. T. D. KASHILILAH
KATIBU WA BUNGE